



**JUNTA DEL VALLE DE AEZKOA  
AEZKOAKO BATZARRE NAGUSIA**

31671 ARIBE (Navarra) · CIF: P3175000C  
Tel: 948 76 43 75  
jvaezkoa@infolocal.org  
valledeaezkoa@gmail.com  
www.aezkoa.org

Eguneko gaiak:

**BILDUTAKOAK**

**Batzarreburaia:** Karlos Bueno Reka

**Batzarrekideak:** Galarza Larrayoz, Karmele - Martínez Juango, Ainhoa – Merino Iriarte, Juan Esteban – Reta Trevejo, Leire – Zabalza Barberena, Izaskun.

**LEHENA.- AURREKO BILKURAREN AKTA ONESTEA**

Eragozpenik agertu ez denez, onetsita gelditu da 2021eko maiatzaren 14an egindako bilkuraren akta.

**BIGARRENA.- TURISMOKO DIRULAGUNTZAN DEIALDIA**

Informatu da Nafarroako Aldizkari Ofizialean argitaratu direla interes turistikoko bizikleta ibilbideak sortzeko eta bide berdeak, espazio turistikook eta establezimendu turistikook egokitzeko toki entitateentzako dirulaguntzen oinarri arautzaileak.

Une honetan Pirinioetako Planari lotutako proiektuetarako eskabideak prestatzen ari direnez, Osoko Bilkurak proiektuak egungo dirulaguntza lerroetan nola txertatzen diren aztertu du, eta Turismo Zuzendaritza Nagusiaren deialdira Jauregiko beheko solairua – Kultur Ola- egokitzeko eta ekipatzeko dirulaguntza eskaera aurkeztea erabaki du, lizitazio izapidean dagoen proiektuaren arabera, altzarigintza, aurreikusitako zerbitzu eremuak eta sukaldearen hornidura barne.

**HIRUGARRENA.-PIRINIETAKO PLANAREKIN LOTUTAKO PROIEKTUENTZAKO DIRULAGUNTZA LERROAK ETA AURKEZTEKO JARDUKETAK**

Maiatzean argitaratu zen 15E/21 Ebazpena, apirilaren 26koa, proiektu estrategikoen zuzendari nagusiarena, zeinaren bidez onartzen baita Pirinioetako lurralde eremuan inskribatutako toki entitateentzako dirulaguntzen deialdia, 2021etik 2023ra bitarteko urteetan (biak barne) lurraldearen garapen jasangarriko proiektuetan inbertsioak egiteko. Hiru urteetarako milioi bat zortziehun mila euroko gastua baimendu da, urte horietan zehar hainbana jasotzekoa.

Bi proiektu mota daude:

- A taldean sartzan direnak, 60.000,00 euroko aurrekontua (BEZa gabe) edo handiagoa dutenak. Proiektu horietarako diru-laguntza justifikatutako gastuen % 70ekoa da, urteko 200.000,00 €-ko mugarekin.

- B taldekkoa, 60.000,00 €-tik beherako aurrekontua (BEZa gabe) dutenak. % 80ko dirulaguntza dute, urteko 15.000,00 €-ko mugarekin.

Honako hauek dira diruz lagundu daitezkeen ekintzak, talde bakoitzerako (zehaztuta), eta dagozkien gastu-mugak:

- Azpiegiturak eta jarduera ekonomikoak (A1-B1).
- Biztanleei zerbitzua ematen dieten inbertsioak (A2-B2).
- Harrera-azpiegiturak (A3-B3).

Poltsa bakoitzaren zenbatekoak: A1: 300.000,00 euro; A2: 100.000,00 euro; A3: 100.000,00 euro; B1: 25.000,00 euro; B2: 50.000,00 euro eta B3: 25.000,00 euro.

Banakapen guztiak aztertuta, eta urte bakoitzeko gastua eta diruz lagun daitekeen ekintza-mota kalkulatuta, Osoko Bilkurak erabaki du Orbaizetako Udalarekin batera dirulaguntza eskatzea, auto-karabanentzako eta kanpatzeko zerbitzu eremua sortzeko proiekturako. Proiektu horretan, zerbitzu eremurainoko elektrizitate hartunea aurikusita dago, eta urtekako inbertsioa honakoa da:

<b>Kontzeptua</b>	<b>2021</b>	<b>2022</b>	<b>2023</b>
Auto-karabanentzako eremua		112.432,73	
Kanpatzeko eremua		46.765,85	
Elektrizitate-hartunea			124.835,43
Proiektuaren erredakzioa	4.235,00		
Obra zuzendaritza		15.415,40	12.090,00
<b>GUZTIRA</b>	<b>4.235,00</b>	<b>174.613,98</b>	<b>136.925,43</b>

Halaber, Erlan-Irabiako ibilbidea egokitzeko dirulaguntza eskatuko da, pasa den urtean Aezkoako Batzarre Nagusiak indibidualki sustatu eta erredaktatutako proiektuan oinarrituta,. Honako hau da urtekako gastuen zehaztapena:

<b>Kontzeptua</b>	<b>2021</b>	<b>2022</b>
Ibilbidea egokitzea		8.857,11
Seinaleztapen horizontala	838,43	
Seinaleztapen bertikala	14.049,64	15.317,26
Homologazioa		2.143,30
Teknikarien lansariak	1.754,92	3.102,16
<b>GUZTIRA</b>	<b>16.642,99</b>	<b>29.419,83</b>

Inbertsioetarako dirulaguntza lerro horiez gain, bada Pirinioetako Planari lotutako ekintzak finantzatzeko beste deialdi bat, honako ardatz hauetara bideratua: turismo jasangarria, hurbileko merkataritza eta zerbitzuak, industriak, ekintzailtza berdea eta lurralde garapen jasangarria, abeltzaintza, nekazaritza eta basogintza, etxebizitza, garrarioa eta azpiegiturak, eta plan horretan proposatutako ekintzak osatzen dituzten beste sektore batzuk. Ekintza horiek % 100eko diru-laguntza jasotzen dute erakunde batek baino gehiagok sustatzen dituztenean.

POCTEFA proiektua gauzatzean ezin izan zenez Munizio Olako aparkalekua egin, Nafarroako Gobernuko Ondare Historikoaren zerbitzuaren aldeko txostenik ez zegoelako, eta kontuan hartuta gune horrek funtsezko interesa duela Kultur Olaren etorkizuneko funtzionamendurako, eta gaia

Orbaizetako Udalarekin ere landu denez, bi erakundeen artean diru-laguntza eskatzea erabaki zen, Ola auzoan bi aparkaleku egokitzeko proiektua erredaktatzeko. 15.000,00 €-ko gastua estimatu da.

#### **LAUGARRENA.- JAUREGIKO BEHE SOLAIRUREN ERABERRITZEA, SUKALDEA ETA TABERNA EGOKITZEKO: KONTRATAZIOA.**

Jarduketa hori Turismoak deitutako dirulaguntzetara aurkeztuko da, bilkura honetako bigarren puntuari onartutakoaren arabera, eta bi gonbidapen egin dira esleipenerako, Kontratu Publikoari buruzko apirilaren 13ko 2/2018 Foru Legearen 81. artikuluan xedatutakoaren arabera.

Hautatutako eta gonbidapena igorri zitzaizen enpresetako bakar batek ere ez du eskaintzarik aurkeztu, baina planteatu da gaur egun inguruko enpresek lan handia dutela, eta horrek obra horretara lizitatzea eragozten die. Uste da, erredakzio-teknikariak prezioak berrikustea aztertu aurretik, beste saiakera bat egin behar dela; izan ere, bi enpresa agertu dira ondoren lanerako prest.

Azaldutakoagatik, kontratatzen den Memorian jasotako lanak egin ohi dituzten hainbat enpresari berriro proposamen ekonomiko bat eskatzea erabaki da. Proposamen ekonomiko horiek ezin izanen dute gainditu kontratuaren gehieneko prezioa, kontrata bidezko exekuzio-urrekontu gisa adierazia. Kontratuaren gehieneko prezioa hogeita hamaika mila hirurehun eta hirurogeita bost eurokoa da, eta hiru zentimo (31.365,03 €) – BEZ gabe –, edo lizitatuzaileak adierazitakoa, hura baino txikiagoa bada. Kontratuaren zenbatekoa ordainketa bakarrean ordainduko da, zuzendaritza teknikoak lanak egiaztatu eta dagokion faktura aurkeztu ondoren. Kontratua gauzatzeko gehieneko epea bi hilabetekoa izanen da, obraren zinketa egiten denetik zenbatzen hasita.

#### **BOSGARRENA.- TURISMO BULEGOAN ARITZEKO LANGILEAREN KONTRATATZIOA**

Aezkoako turismo bulegoaren zerbitzua uztaileko bigarren hamabostalditik azaroko santu guztien zubia pasa arte izaten ohi da. Horregatik, dagoeneko, langileak kontratatzeke deialdia egin behar da, hautaketa egiteko nahikoa denbora egon dadin. Batzarre Nagusiaren osoko bilkurak onartu du pertsona bat kontratatzea Aezkoako Turismo Bulegoan Turismo Informatzaile aritzeko, 2021eko uztailaren 14tik azaroaren 2ra, biak barne. Soldata administrazioaren D mailari dagokiona izanen da, % 12ko osagarriarekin. Jaiegun-osagarria ere ordainduko da, egiazki lan egindako jai egunengatik. Eskabideak aurkezteko epea amaitzen denean, lanposturako izangaiek honako hauek bete beharko dituzte: enplegu-eskatzaile gisa agertzea, B2 mailako euskara-eskakizuna egiaztatzea titulazio bidez edo maila-proba bat egitea, eta gutxienez eskola-graduatuaren titulua izatea. Dagokion lan-eskaintza aurkeztuko da Auzoko Enplegu Bulegoan, eta hark gonbidapena bidaliko die deialdian aurreikusitako baldintzak betetzen dituzten guztiei. Aurkezteko epea 2021eko ekainaren 24an amaituko da, 12: 00etan. Hautaketa, ekainaren 30ean, asteazkenean, egingen da, 10:00etan, Aezkoako Etxean (Aribe).

Halaber, deialdia arautzen duten oinarriak onartu dira, eta hautaketa egingen duen epaimahaia eratu da. Oinarriak akta honi erantsi zaizkio, eta hautaketarako honako baremo hau ezarri da:

- Curriculumak, 30 puntura arte (oinarrietan zehaztuta dago).
- Ezagutza-proba, 60 puntura arte.

- Elkarrizketa: 10 puntu, gehienez.  
Informazio hori Batzarre Nagusiaren webgunean ere agertuko da, auzotarren artean zabaltzeko.

### **SEIGARRENA.- HAINBAT**

#### **- Nafarroa Ezagutu Sarea Elkarteari atxikitzea.**

Aurreko bilkuran estatutuak berrikustea eta Nafarroa ezagutu sareari buruzko informazio gehiago lortzea erabaki zen; datorren ostegunean sarearen aurkezpena egingen da, online. Osoko Bilkurak, dokumentazioa aztertu ondoren, Nafarroa Ezagutu Sarea elkarteari atxikitzea erabaki du.

#### **- Arbantako meategien proiektua**

Ekilane Arbantako meategiei buruzko proiektu bat bidali du, eta Luzaideko udalarekin proiektu estrategikoen laguntzetara aurkezteko eskatu du. Jakinarazi zaie Batzarre Nagusi honek badituela bere proiektu propioak eta ezin duela gehiago aurkeztu, baina proiektu propio gisa aurkezteko interesa badute, laguntza-gutun bat helaraziko zaiela.

#### **- Jauregiko erakusketarako panelen eta bitrinen aurrekontua.**

Alfa Soluciones-ek bitrina baten eta erakusketa eremuan jarri beharreko panelen aurrekontua aurkeztu du. Aurrekontua 3.606,00 eurokoa da, eta horietatik 2.300,00 euro bitrinari dagozkio. Erabaki da panelak enkargatzea eta bitrina momentuz ez enkargatzea.

#### **- El Puntogunea proiektua**

Innova Cultural-i "Teatro y Acción" izeneko proiektu baten berri eman zaio, El Puntogunea Nafarroako Sormen Zentroak aurkeztua. Batzarre Nagusiak kide izatea erabaki du, baldintza hauekin:

- Aezkoako Batzarre Nagusiak baimena ematen dio El Puntoguneari Orbaizetako Munizioen Errege Olaren espazioa 'La casa más pequeño/Etxerik txikiena' filmatzeko erabiltzeko, behar diren egunetan.
- Aezkoako Batzarre Nagusiak erabakiko du zein eremu erabili ahal den, bai filmatzeko, bai errodajearen aurreko edo ondorengo edozein jardueratarako. Modua berean, hartu beharreko segurtasun-neurriak ezarriko ditu.
- Errodajearen tasa 2.100 eurokoa izanen da, Aezkoako Batzarre Nagusiaren ibilgailuentzako pisten erabilera arautzen duen ordenantzan xedatutakoaren arabera. Kostu hori ordaintzeko, antzezlan horren emanaldi bat eskainiko da, euskaraz, bi aldeek adostutako egun batean (2021eko edo 2022ko uztailan edo abuztuan).
- Antzezpeneren egunean Batzarre Nagusi honek ezarriko ditu antzezpenera behar bezala garatzeko elementuak. Emanaldia irekia eta doakoa izanen da, eta munizioen olan bertan eskainiko da.
- Era berean, data horren aurretik, Puntoguneak zehazteke dagoen jarduera bat garatuko du, Aezkoako Kultur Olan -Jauregian-. Hori ere irekia eta doakoa izanen da. Lurraldearen ikusgarritasunaren eta bakearen inguruan dituen proiektu eta helburuei buruzkoa izanen da, hori baita horren guztiaren ardatz nagusia.

#### **- Euskara ikasteko dirulaguntzak**

Erabaki da euskara ikasteko ikastaroak egin dituzten pertsonentzako diru-laguntzak eskatzeko epea irekitzea, 2020ko irailetik 2021eko abuztura bitartean. Laguntza horietarako erabilgarri dagoen partidaren gehieneko zenbatekoa 2.400,00 €-koa da. Deialdia Batzarre Nagusiaren webgunean argitaratuko da.

**- Sandualdeko zuhaitzak**

Presidente jaunak gogorarazi du txabolak berrikusi behar direla eta egun horretan bertan aprobetxa daitekeela Sandualdean bota behar diren zuhaitzak ikusteko. Zabalza andrea Sandualdeko pagoak ukitzearen aurka agertu da.

**ZAZPIGARRENA.- GALDERAK ETA ESKEAK**

Ez da egin.

Eta aztertzeko gai gehiago agertu ez denez, bilkura bukatutzat eman da goian adierazitako eguneko arratsaldeko hirurak eta hogeita hamar minutuak zirela. Errandakoa jasotzeko akta hau luzatu da, eta nik, idazkariak, egiaztatzen dut.